

逸兴随想



杨叔子(湖北·武汉)

唐多令·癸巳年三月十六夜病愈望月

深院偶车声,长天一月明。八十年,思绪难平。夕照时光弥足贵,心头愿、乐山青。灵药悔飞升,神舟已访行。仰科峰,霞蔚云蒸。过隙人生融大我,蝇蜗事,总从轻。

江津之行组诗(录二)

应重庆市高等教育学会张宗荫会长邀请,我与余东升同志4月9日晚抵重庆,访数校;4月13日晚抵江津区,访问参观,倍受教育。感赋。

五律·参观陈独秀鹤山坪旧居

今登公旧宅,感慨不胜悲。
睿智明真理,宏文树大旗。
诚然临歧路,慷慨不摧眉。
功过由人说,生平一史诗。

七绝·四面山

四面山,群峰簇拥,海拔在700米至1750米之间,丹霞地貌,瀑布特多,我国第

一高瀑152米在此,湖泊也多,森林覆盖率达95%以上,风光奇丽,气候宜人,诚美景也,正在开发之中。

惊垂四面落银河,水异山奇镜泊多。
养在深闺人未识,茫茫绿被裹娇娥。

林峰(香港)

读史

战罢龙城战陇山,九天飞将出云间。
黄河曲转三千里,大漠纵横八百关。
千古败成民却贱,一声兴废剑非闲。
鼎湖秋色回眸望,水自横江月自弯。

缅怀于右任二首(录一)

立马风前老栋梁,苍颜泪满湿戎装。
山河破碎遗臣恨,剑气深沉夜角霜。
日落江头悲大海,云埋浪里哭斜阳。
榆关白骨秋寒甚,谁吊当年古战场。

范义坤(广东·广州)



宁夏黄河金岸观感

大浪滔滔梦未凉，名川九曲证沧桑。
欲经塞上风沙恶，却沐江南稻菽香。
妙手十珠穿玉带，浓情一脉衍华章。
客来但看缤纷岸，千里莺声韵正长。
注：十珠指河滨十座城市如十颗明珠般串在一起。

王 骏(浙江·杭州)

雨后

风呼一夜频，碧落雨过新。
云白疑归鹤，山青欲近人。
惟忧些许水，怎洗九衢尘？
美丽神州梦，先息天地瞋！

雾霾有感

茫茫尘雾两无情，匝地遮天锁上清。
日月愁同山水怨，生灵苦并草花惊。
寰瀛到处灾殃重，侪辈何曾罪孽轻？
岂得再赎青绿债，留遭后世骂声声！

贺中轩(广东·广州)

菩萨蛮·题师生爱晚亭旧照片

当时花月犹春晓，几曾揣度秋枫老。
亭下聚师生，温馨风没声。
侃诗缘杜牧，花叶论谁酷。今日鸟分飞，
梦犹吟瘦肥。

张耀斌(四川·泸州)

游子吟(录二)

犹恋云溪泉水温，谋生无奈出家门。
临行莫把离愁酒，走遍天涯更断魂。
漂泊他乡二十霜，思君日夜忆江阳。
归期恰似飞鸿远，却把相思叠万行。

石艳萍(云南·富源)

七夕

女织男耕乐太平，多情不必羡双星。
料想今宵天上客，也应说着旧时情。

何跨海(湖南·平江)

中秋月

清光万里最宜秋，冷艳孤寒半惹愁。
屋侧池如千丈镜，天涯人似一沙鸥。
琼浆圆饼同观月，芳树青山共倚楼。
此夜无风山水静，几时得见彩云浮。

周世鼎(江苏·泗洪)

古稀有感

七秩春秋余健身，江山添彩物华新。
耕耘已获宝中宝，种植生成珍上珍。
游览唯求强体魄，闲吟只为养精神。
华衣美食应知足，不负青春多苦辛。

鲁 芪(甘肃·康县)



行香子·山乡农家

刈麦东垅，锄豆西洼。暑寒中、血汗交加。艰辛四季，勤事桑麻。种篱边雾，溪边月，垄边霞。栉风沐雨，两袖泥沙。苦耕耘、几亩青茶。山肴野蔌，晨露昏鸦。伴鸡声起，鸟声唱，涧声哗。

王善同(新疆·阜康)

学会理事会后述怀

清高本色是诗人，小覷民间谄上频。
刊有性情真士子，钱无风骨愧青巾。
宁吟半句心非假，敢发千题世不真？
坚守清纯在襟抱，采薇一样展经纶。

刘县生(河北·故城)

雨中老城

断壁蓬蒿小巷深，泥檐瓦砾伴阴森。
老碑漠漠千秋样，野燕凄凄百啭音。
故岁商家歌盛日，今朝枯柳梦残春。
呜呼旧迹浑然远，人语唏嘘世事沉。

李 旭(北京)

滕王亭下

霜月镜如空，罗衣带露浓。
更怜玉台处，曲尽落花生。

丁渝山(吉林·农安)

管架

似竹不是竹，节节总相扶。
撑起云楼后，悄然影迹无。

李 全(浙江·开化)

垂钓

一竿在手乐悠悠，坐享清风不识愁。
人钓红鳞吾钓韵，半轮凉月挂枝头。

无题

痴翁欲种砚田瓜，日夜耕耘难长芽。
嚼字曾吞窗外月，构思常念梦中花。

郑德希(浙江·杭州)

菩萨蛮·廊桥纳凉

钱王阁下茗溪水，柳风拂岸金鳞美。
暑夜好乘凉，桥廊联读忙。一声丝竹起，驻足游人挤。
对月感沧桑，怀乡思绪长。

朱仕永(安徽·繁昌)

捣练子·山乡

溪水暖，石途斜。栋栋高楼泛彩霞。
蝶舞小区花弄影，轿车出入种田家。

春暖

朝霞透牖帘，河岸柳拖烟。



舞剑林阴处，吟笺菜地边。
花红蜂展翅，苗壮叟开颜。
纵目平畴上，嫂姑在绣田。

叶青才(安徽·岳西)

摊破浣溪沙·立夏远足

水碧山青一径香，新村遥望鹭临塘。
拽我诗情入桑梓，任翱翔。
万里云天连翠莽，千村楼阁唤朝阳。
秧绿田畦风绿目，画中藏。

李文庆(上海)

渔家傲·梦登泰山十八盘——写于十八 八大胜利闭幕时

叠嶂岩岩空碧宇，翠岚先领神州曙。
玉顶笙箫飘曼舞。人轻语，清霄隐约群仙府。
回顾崖烟风散絮，云浮沧海三山暮。
曲曲盘盘攀莫惧。长记取，险途本是通天路。

满江红·黄鹤楼远眺

壮气冲天，登临处、飞檐凌碧。龟蛇静、翠峰争秀，画楼云集。江水激昂掀巨浪，东风浩荡催春色。长桥畔、鸣雁过长空，征程急。
话改革，思往昔；兴伟业，争朝夕。看春潮遍地，幸逢尧日。悦目新城笼绿荫，畅怀大道穿郊陌。梦神州、黄鹤正腾飞，扬双翼。

杨宏林(安徽·繁昌)

观书偶题

假真美丑动情思，苦辣酸甜我自知。
愿将热血化春雨，浇出人间爱恨诗。

苏厚义(山东·青岛)

相伴

创业良艰遂愿难，人间万事若云烟。
清贫息得心头火，携手晨昏共百年。

漫笔

人生莫道旅途艰，世味犹如蒜醋盐。
破帽蹇驴何足笑，悲欢烹煮月明前。

高怀柱(山东·莘县)

谒西柏坡毛主席旧居

布阵排兵围磨盘，油灯夜夜照长天。
指挥百战救中国，到此谁能不肃然。

唐 敏(贵州·纳雍)

眼儿媚·忆旧游偶作

名园胜境纵情游，奇景愿长留。
孤山梅雅，南山松翠，吟兴难收。
旅途醉了逍遥客，幽梦绕层楼。相思落在，大明湖畔，橘子洲头。



杨 威(新疆·石河子)

莲花颂

醉沐熏风绽笑容,银珠颤动翠盘中。
蜻蜓点水翩翩舞,白鹭梳翎剪剪风。
碧叶生香香袅袅,红莲映日日彤彤。
污泥不改冰心洁,玉立亭亭接远空。

庞效铎(上海)

清平乐·春回故乡说燕

天蓝云淡,户户炊烟散。微冷春风吹紫燕,自在飞翔如愿。穿梭巷尾河边,衔泥筑屋梁间。再把英雄遗志,剪成柳雾花烟。

葛 杰(浙江·杭州)

墙头草

墙头一立比人高,傲视蓬蒿气自豪。
底事只缘根脚浅,风来低首又弯腰。

文会春(江西·会昌)

情醉鄱阳湖

烟波淼淼起渔歌,境到绝佳随感多。
同是江南风景异,笑看游客数天鹅。

打工谣

气爽秋高大雁飞,家书欲寄意多违。
心头装满愁和累,怎教雁行携载归。

何晓明(安徽·六安)

诗唤通俗

僻典陈词读不通,艰深古奥几时穷。
“庐山不识”谈何美,心事难猜总是空。
破纸堆中密电码,旧书袋里老雕虫。
无人买帐君知否?叹是诗坛自杀风。

陈文林(浙江·温州)

蜂舞清晨

曳曳黄花初日照,疏疏老叶掩芳蹊。
生灵信息何其快,旋即搬来造蜜机。

蔡厚示(福建·神州)

久居

久居闽水侧,时忆旧家村。
双柳笼烟绿,群芳镀月痕。
我窥云瘦影,云唤我诗魂。
适此林泉趣,长歌玉雪轩。

贺山西杏花诗社成立三周年

山右吟坛巾幗稠,杏花春雨翠条柔。
三年勤植梧桐树,百凤争鸣彻九州。

朱一鸣(四川·乐山)

春兴

莺歌燕舞正春时,万紫千红绽玉枝。
绿野漫吟成一趣,归来拾得满囊诗。



王盖福(浙江·乐清)

感悟人生

蹭蹬扬眉各不同,莫将命运怨天公。
男儿欲展平生志,却在千锤百炼中。

舒山涛(湖北·当阳)

桃花春雨

细雨如丝伴夜风,桃花仙子落山中。
娇颜玉色何方看?苍翠林间片片红。

题钟祥云峰禅寺

群山环抱赏青松,高卧林间秋意浓。
何处妙音萦耳畔,九华岭上看云峰。

叶元章(上海)

闲题

不买鱼竿不买山,蜗居近市失安闲。
品诗味在酸甜外,读史神游血火间。
冷眼观棋明若电,危言出口曲如环。
风来引我西窗卧,一梦河湟泪又潜。

悲秋

西风一夕扫繁阴,屋角篱头商气侵。
盛世今犹闻杀伐,异乡谁不叹飘零?
落霞孤鹜春申浦,断简残编翰墨林。
抚罢冰弦垂首立,悲秋孰与结同心!

壬辰岁杪有感

早年披发卧荒丘,万种艰难熬白头。
腕底龙蛇宁是祸,堂前冠盖屡成仇。
欲凭灵气成佳什,却少闲情醉玉楼。
泪眼婆娑三十载,老来幸获展双眸。

许 泽(浙江·杭州)

追忆(七首录一)

农村

农村办公社,会议二三头。
生产天知道,浮夸成主流。

张海燕(浙江·余姚)

七夕

人间不合种相思,拂拂凉风未寐时。
鸣蛩似解双星语,深夜犹催乞巧诗。

蒋荫焱(浙江·杭州)

浦江一小考察诗教感赋(四首录一)

教惟应试国之哀,美质湮沦情性摧。
一片童声歌古调,启心弘志救将来!

往游仙华山(录一)

凌云一望意如仙,身在高崖丹壁前。
绿野明湖来眼底,几多诗思涌灵泉。
注:仙华山下有灵泉之胜。

王伊思(湖南·长沙)



春日杂感(录三)

小园偶步听啼莺,春色遥看认未清。
莫道衰年吟兴减,夕阳芳草总关情。

痛风病与酒无缘,豆类休尝戒海鲜。
蔬食箪瓢颜子乐,诗人不作饮中仙。

莫叹青云志未伸,鹏抟蠖屈不由人。
浮名早付东流水,留得红羊劫后身。

傅明夫(浙江·浦江)

踏莎行·访义乌苦竹塘吴晗故居

竹坞徘徊,荷塘凝伫,毅然跨上
人生旅。廿年发愤幸成名,儒生却被
儒官误。遵命挥毫,追风紧步^①,
一文纸贵惊天宇。香花毒草转身间,
叹公负屈匆匆去。

注:1959年吴晗响应“学习海瑞”的号召,先后写了《海瑞骂皇帝》、《论海瑞》等文章。“文革”期间作毒草批判,吴晗被迫害致死。

踏莎行·悼骆宾王

童龀鹅歌,白头蝉赋,天才命蹇
奚如许!献芹见谤陷牢笼^①,勤王败绩
谁予助^②?进退无门^③,走投无
路,乡关望断客心苦。仰君九死志弥
坚,文追日月光千古。

注:①唐仪凤三年(675),骆任侍御史,上疏论事,遭诬下狱。②唐光宅元年(684),徐

敬业起兵扬州,讨伐武则天,骆为艺文令,起草《代徐敬业传檄天下文》,兵败,不知所终。③骆《自叙状》:“进不能谈社稷之务,立事寰中;退不能扫丞相之门,买名天下。”

莫少澜(浙江·杭州)

王立群讲司马迁

汉武声威绝代雄,雷鸣电闪过长空。
今人礼拜龙门令,万古流芳太史公。

曹淑莺(浙江·温州)

癸巳立秋感寄

候暑尽消秋挂帅,风清露白约新鸿。
小裁锦字传还止,微蹙眉心展又重。
路有千礁行未顺,花开万树懂难工。
钓名通用烟钱酒,何必西窗下苦功。

吴国璟(浙江·杭州)

读杜诗偶成

爱国忧民子美求,偏将格律压公侯。
异乡漂泊雄心在,恰似乾坤逐浪鸥。

(下转第55页)

